

इति म॒द॒य॒त्ये॒वैनान॒तीतृ॒पत्त॒ पित॒र इति॒ तर्प॒य॒त्ये॒वैनान्पि॒तरः॒ शु॒न्ध॒ध॒मि॒त्यनु॒पूर्व॒-
मे॒वैनान्त्स॒र्वान्पा॒वय॒ति पवि॒त्रं वै सौ॒त्राम॒णी ॥ ८ ॥ त्रि॒भिः पवि॒त्रैः पा॒वय॒न्ति ।
त्र॒यो वा॒ऽश्मे लो॒का ए॒भिरे॒वैनं॒ लोकैः॒ पुन॒न्ति ॥ ९ ॥ पा॒वमा॒नीभिः॒ पा॒वय॒न्ति ।
पवि॒त्रं वै पा॒वमा॒न्यः पवि॒त्रेणै॒वैनं॒ पुन॒न्ति ॥ १० ॥ ति॒सृभि॒स्ति॒सृभिः॒ पा॒वय॒न्ति ।
त्र॒यो वै प्रा॒णाः प्रा॒ण उ॒दानो॒ व्या॒नस्तैरे॒वैनं॒ पुन॒न्ति ॥ ११ ॥ न॒वभिः॒ पा॒वय॒न्ति ।
न॒व वै प्रा॒णाः प्रा॒णैरे॒वैनं॒ पुन॒न्ति प्रा॒णेषु॒ पुनः॒ पू॒तं प्र॒तिष्ठा॒पय॒न्ति ॥ १२ ॥ पवि॒-
त्रेण॒ पा॒वय॒न्ति । अ॒ज्ञावि॒कस्य॒ वा॒ऽएत॒द्रूपं॒ यत्पवि॒त्रम॒ज्ञावि॒केनै॒वैनं॒ पुन॒न्ति ॥ १३ ॥
वा॒लेन॒ पा॒वय॒न्ति । गो॒ऽश्वस्य॒ वा॒ऽएत॒द्रूपं॒ यद्वा॒लो गो॒ऽश्वेनै॒वैनं॒ पुन॒न्ति ॥ १४ ॥
हि॒र॒ण्येन॒ पा॒वय॒न्ति । दे॒वानां॒ वा॒ऽएत॒द्रूपं॒ यद्दि॒र॒ण्यं दे॒वानामै॒वैनं॒ रू॒पेण॒ पुन॒न्ति
॥ १५ ॥ सु॒र्या पा॒वय॒न्ति । सु॒रा हि॒ पू॒ता पू॒तयै॒वैनं॒ पुन॒न्ति तद्य॒था सु॒रा पू॒यमा॒-
ना ब॒ल्क॒सेन॒ वि॒विच्य॒त॒ऽएवमे॒वैतद्य॒ज्ञमा॒नः स॒र्वस्मा॒त्पाप्म॒नो निर्मु॒च्यते य॒ एवं
वि॒द्वान्सौ॒त्राम॒ण्या य॒ज्ञते यो वै॒तदे॒वं वे॒द ॥ १६ ॥ त॒दाहुः॒ । या॒ज्ञयि॒तव्य॑ सौ॒त्रा-
म॒ण्या न॒ या॒ज्ञयि॒तव्या॑मित्य॒नन्तरा॒य॑ ह्ये॒वास्मा॒त्सर्वं॒ पाप्मा॒नम॒पघ्न॒तीति॒ तडु॒ रु॒-
स्माहु॒ रेवो॒त्तरा॒ स्थ॒पतिः॒ पा॒ठव॒श्चाक्रो॑ऽपि प्र॒दानं॒ प्रदा॒य या॒ज्ञयि॒तव्यमे॒वात्मा॒ वै
य॒ज्ञस्य॒ य॒ज्ञमा॒नोऽङ्गान्य॒विज्ञो॒ यत्र॒ वा॒ऽआ॒त्मा पू॒तः पू॒तानि॒ तत्रा॒ङ्गान्यु॒भय॑ऽएव पु॒-
न॒त॒ऽउ॒भये॒ पाप्मा॒नम॒पघ्न॒ते तस्मा॒दपि॒ प्र॒दानं॒ प्रदा॒य या॒ज्ञयि॒तव्यमे॒वेति॒ ॥ १७ ॥ पि॒-
तृ॒लोकं॒ वा॒ऽएते॑ऽन्व॒वय॒न्ति । ये द॒क्षिणे॑ऽग्नौ च॒र॒त्याज्या॑हु॒तिं जु॒होति॒ यज्ञो॒ वा
ऽआ॒ज्यं य॒ज्ञादे॒व य॒ज्ञे प्र॒ति॒तिष्ठ॒न्ति ॥ १८ ॥ स॒ जु॒होति॒ । ये॒ समा॒नाः स॒मन॑सः पि॒-
त॒रो य॒मरा॒ज्ये तेषां॒ लोकः॒ स्व॒धा न॒मो य॒ज्ञो दे॒वेषु॒ कल्प॑तामि॒ति पि॒तृने॒व
य॒मे प॒रि॒द॒दात्य॒थो पि॒तृलो॒कमे॒व ज॒यति॒ सर्वे॒ य॒ज्ञोप॒वीता॒नि कृ॒त्वोत्त॑रम॒ग्निमु॒पस॒-
मा॒य॒त्ययं॒ वै लो॒क उत्त॑रोऽग्नि॒रस्मि॒न्नेव॒ लो॒के प्र॒ति॒तिष्ठ॒त्याज्या॑हु॒तिं जु॒होति॒ य॒-
ज्ञो वा॒ऽआ॒ज्यं य॒ज्ञादे॒व य॒ज्ञे प्र॒ति॒तिष्ठ॒न्ति ॥ १९ ॥ स॒ जु॒होति॒ । ये॒ समा॒नाः स॒मन॑-